

恪靖奏稿初編卷十三目錄

敬陳閩浙提鎮司道府各官年終考語摺

攻剿餘杭踞逆兩勝一挫情形摺

奏報收復海甯州城摺

瀝陳分別剿撫相機辦理片

奏報賊由蘇皖突竄浙境截剿迭勝摺

請飭張臬司帶勇赴任劉臬司募勇助剿片

奏報收復桐鄉縣城摺

附陳近日軍情片

陳明酌擬

頒賞洋將人等物件片

敬陳閩浙提鎮司道府各官年終考語摺

奏爲敬陳閩浙兩省提鎮司道府各官年終考語密繕
清單恭呈

御覽事竊維提鎮司道府等官例於年終出考密

奏

臣奉

恩命補授閩浙總督兼署浙江巡撫駐軍浙江於閩省
文武多未接見受事之初密詢閩撫

臣

徐宗幹吏治軍

務人材臧否得以畧悉梗概復飭藩臬及各巡道密察
各府縣飭各府密察所屬丞倅牧令飭各縣密察所轄

之教職佐雜以操守性情才具緝捕四條爲課令各詳
其事實聲名分註各條之下以資考證其不及知而待
察者闕焉浙江則相距稍近耳目易周地方甫經收復
官吏皆從新易置較易整理惟兩省提鎮實任者皆由
軍營立功奉

旨特擢現在未能履任越級委護多不得人浙江營員
應行查辦者過多其奏留補用者又皆現在軍中未能
分署各缺卽越級委護亦苦難得其選通計兩省營務
非俟大局戡定漸次整理實難遽期成效

臣謹就現在

各員分別出具切實考語密繕清單恭呈

御覽其實缺未經到任及雖係署任而爲臣所素知者

亦一併附列伏乞

皇太后

皇上聖鑒謹

奏 同治二年十二月二十一日

卷三 同治二年十二月二十一日

聖上聖鑒

呈太

一 持國

其書知未暇顧野文疏而後野而疏

其書知未暇顧野文疏而後野而疏

攻勦餘杭踞逆兩勝一挫情形摺

奏爲官軍攻勦餘杭踞逆兩勝一挫恭摺

奏仰祈

聖鑒事竊餘杭踞逆經官軍迭次攻擊勢甚窮蹙臣馳抵橫溪頭卽飭各軍分路進勦十二月二十五日楊昌濬等督各營進攻北門調劉清亮等馬步七營助之康國器率各營進攻東路黃少春率各營由北路繞越以攻瓶窑鎮賊壘魏喻義簡桂林劉榮合等列隊西北以掣賊勢黎明乘賊未覺康國器急令康熊飛古捷芳丁

應龍吳光亮等越濠而進連破東路賊壘四座逆賊大股來援官軍分投接戰斃賊數百名賊分黨千餘從楊家橋抄我後路康熙飛林本匹馬陷陣手刃數賊各營乘之賊敗潰立將楊家橋賊卡焚燬北路官軍乘勢急進張聲恒等由右路攻三里鋪賊壘劉清亮等由中路攻北門港邊賊壘連施槍礮轟擊該逆拚死抗拒朱明亮谷香山劉璈等從左路五聖廟下陡門而進鳧水過河麾兵猛擊立破何家陡門堅壘五座殺賊千餘溪流爲阻蓋羣賊見官軍由中右兩路奮擊併力拒守而不

意朱明亮等之從旁突進也是日東北兩路殺賊二千有餘陣斬闕天義李有慶等賊目多名奪獲旗幟槍礮偽印無算其黃少春一軍進攻瓶窑鎮賊壘鏖戰數時因逆賊負山修砌石壘死守不出官軍仰攻輒爲其礮石所傷僅破賊卡五處焚其壘外房屋而還二十六日楊昌濬康國器仍率各營分路齊進黃少春亦率五營馳赴北路助剿劉清亮率五營及聶邦光廖渭臣等扼其中路楊昌濬督朱明亮劉璈谷香山余佩玉劉明燈張定元張人和馬雲標等各營黃少春率王正德李耀

南等各營仍由五聖廟分兩路而進越餘杭縣城而北直搗林清堰首逆汪海洋老巢期與康國器一軍夾擊汪海洋率悍黨數千憑壘拒戰官軍奮力衝突自辰至未擊斃悍賊六七百名追過小港緊逼汪海洋老巢該逆拚死回鬪官軍往來衝擊又斃賊多名緣賊巢阻水自固接仗之處港汊縱橫深可滅頂官軍已逼賊壘其收隊之路長亘五十六里雙港夾之兩岸桑竹翳蔽勢難列陣楊昌濬以地勢狹險傳令收隊甫過橫港壘中悍賊悉銳來撲朱明亮劉璈余佩玉等在後督隊堵之

賊復分伏港邊竹林排開鎗礮余佩玉中礮陣亡各營
弁勇之殿後力戰傷亡者共三百餘名其南門出賊數
百經余萃隆等擊退西門出賊數百經羅大春等擊退
康國器東路一軍亦斃賊數十名此十二月二十五日
進攻餘杭克獲大捷二十六日先勝後挫之實在情形
也二十七日杭州城外古塘踞逆率眾撲犯錢塘門外
官軍營壘經高連陞等擊退斃賊百餘名二十八日楊
昌濬黃少春等復列隊五聖廟遣輕騎誘戰賊仍伏匿
不出臣惟餘杭城垣並非堅峻惟地勢平衍溝洫最多

而汪逆所踞之林清堰在城北十里又溪流環匯之所
進攻之路能魚貫而不能雁行官軍收隊爲賊所乘實
由臣未能詳察地勢趣戰過急之故非將士戰陣之不
力也首逆汪海洋在諸賊中最爲狡悍必須速殲此股
庶浙西三郡乃可次第肅清現仍激勵將士設法攻剿
務期迅速蕙事以利戎機所有此次血戰捐軀之福建
補用副將余佩玉副將銜浙江補用叅將張明遠儘先
補用叅將劉質彬游擊銜補用都司唐得勝游擊銜儘
先補用都司李陞德藍翎都司陳吉進花翎補用守備

陳宗懿從征數年樸勇善戰二十六日均以殿後力戰
隕命實堪痛惜之至應請

旨飭部從優議卹並入祀湖南昭忠祠以慰忠魂謹據
實馳

奏伏乞

皇上聖鑒訓示施行謹

奏 同治三年正月初五日

議政王軍機大臣奉

旨另有旨欽此

知不足齋叢書

卷之三

五

六

七

八

九

十

奏報收復海甯州城摺

奏爲官軍收復海甯州城恭摺馳陳仰祈

聖鑒事竊海甯州城濱臨大海雄踞下游爲杭垣東北屏蔽僞會王蔡元隆擁眾萬餘竄踞其間致攻杭之師未能北渡合圍浙東之防亦時形喫重嗣因杭州餘杭等處迭獲大捷蔣益澧一軍進薄鳳山清波湧金錢塘等門賊勢日蹙蔡元隆通通款於前署海甯營都司王錫馴轉稟蔣益澧願率所部獻城乞降蔣益澧來營密商臣以蔡元隆於大軍未至之先望風款附其情與勢

感乞降者不同當令其妥籌招撫蔣益澧飭署杭州府知府陳思燭署海甯州知州廖安之先往覘之而自率親兵及總兵銜副將劉樹元所部並水師各營於上年十二月十六日馳赴海甯州對江之小泗渡駐紮一面令王錫馴廖安之及花翎都司蔣益賢入城曉以禍福蔡元隆隨同廖安之等渡江來見泣訴衷曲謂自幼在家讀書粗知禮義同治四年賊陷岳州被賊裹脅年甫十六勢難自拔茲幸覩大軍哀懇曲貸罪戾俾得復爲盛世良民死且不朽蔣益澧察其情詞懇切卽宣布